



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titvlvs XVIII. Qui matrimonium accusare possint vel contra illud testificari.

---

[urn:nbn:de:hbz:466:1-63255](#)

## TITVLVS XVIII.

Qui matrimonium accusare possin  
vel contra illud testificari.

**Q**UÆRES I. An matrimonium quandoque possit dissolvi aut separari, & qualiter sit facienda separatio? Resp. Matrimonium legitimè contractum tam est indissolubile, ut ex nulla unquam causa quoad vinculum separari possit, prout contra vana Lutheri & aliorum hereticorum somnia, Catholica fides ex ipsis Scripturæ verbis apertè demonstrat Matth. 19 2. Marc. 10. 1. Cor. 7. 10. quod si verò illegitimè contractum fuerit, judicis Ecclesiastici officium requirit, illud separare, ut sic peccata evitentur, & animarum saluti consulatur. qua in re cum gravissimum versetur præjudicium, & maximum animarum periculum, timendumque sit, ne ex sinistra Judicis informatione, matrimonium justè contractum separetur, vel injustum ac nullum confirmetur, proindeque maximâ circumspectione opus sit, atque prudentiâ singulari, ideo ne committatur error, eam placuit SS. Canonibus facere dispositionem, ut nec omnes promiscuè ad accusandum matrimonium admitterentur, nec etiam singuli excluderentur, ne veritas vel falsa meleyolorum suggestione, vel nimia taciturnitate maneret occulta.

**Q**UÆRES 2. Quid sit matrimonium accusare, & quænam ad hanc accusacionem requirantur? Respond. Accusare matrimonium est ejus nullitatem coram Judice competente

petente probare, dixi coram Judice competente; quia separatio ab ipsis conjugibus, etiam casu quo impedimentum lubeat, privat<sup>a</sup> auctoritate, fieri non potest, cap. 3. de divort. in accusatione instituenda tria potissimum, veniunt consideranda. Primo causæ ob quas matrimonium accusatur. Secundo, personæ accusantes, & testes; Tertio, Forma ista accusatione observanda. Causæ sunt triplicis generis, vel enim sunt tales, ob quas conjuges se invicem tenentur deserere, velut votum solenne, consanguinitas, &c. vel tales sunt ut conjuges non teneantur se deserere, sed possint sibi cohabitare, ita vitâ castâ ut est impotentia; vel denique sunt tales, quæ ab ipsis conjugibus remitti possunt, ut est adulterium ab uno conjugum admissum quod parti innocentis tribuit jus separationis à thoro & mensa, cui tamen juri, si voluerit cedere, poterit.

QUÆRES 3. Quinam matrimonium accusare possint? Respond. Si causæ tales fuerint, propter quas non necessario facienda sit separatio, soli conjuges ad accusandum matrimonium admittuntur, cum hi Juri suo renuntiare possint; quod si verò causæ exigant separationem, quilibet accusare potest, hoc tamen servato ordine, ut primo loco admittantur parentes, & alii ascendentis; deinde proximi consanguinei collaterales, & tunc demum extranei, qui tamen non promiscuè admittendi, sed fide digniores minus fide dignis præferendi sunt, & rejiciendi suspecti, videlicet accusantes ob quæstum. cap 5. b.t. scientes impedimentum temporis proclamationum, & non revelantes cap. ult. b.t. quod à potiori de testibus dicendum erit, quibus hac in re gravissima nequidem ab ipsis partibus jurementum.

roentum remitti potest. quod autem contra rationem juris liberi ad accusandos parentes & vicinos in Causis matrimonialibus vel etiam ad testificandum admittantur, ratio est, quod hæc accusatio in favorem accusatorum introducta sit, non in odium. Forma accusationis hæc est, ut ad facilitatem veritatis indagationem, nec ab absente, nec inscriptis fiat, sed à personaliter constituto & comparente in judicio cap. 2. b.t. in reliquis convenienter cum aliis judiciis, hæc solâ differentiâ observata, quod sententia injusta nunquam transeat in rem iudicatam, justa autem per appellationem non suspendatur, idque propter religionem sacramentis in dissolubilitatem matrimonii.

## TITVLVS XIX.

*De*

### Divortiis.

**Q**UÆRES 1. Quid sit divortium & quoniamplex? Res pond. Divortium est matrimonii validè contracti separatio auctoritate judicis facta ; estque duplex una quoad vinculum, altera quoad cohabitacionem sive thorum & mensulantum ; quoad vinculum sit divortium, quando matrimonium quoad substantiam & in perpetuum dissolvitur. quoad cohabitationem autem, quando salvo matrimonii vinculo, conjuges ex causa legitimâ separantur. Divortium quoad vinculum tribus casibus conceditur. Primò, quando matrimonium est & declaratur nullum. Secundò, quando

unus